


T 2511

8243

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 1 1938

五二二日



尉頭

尉頭漢時通焉王治尉頭谷去長安八千六百五  
東至都護治所千四百一十一里南與疏勒接山道不  
通西至捐毒千三百一十四里徑道馬行二日田畜隨  
水草衣服類烏孫

烏孫

烏孫漢時通焉大昆彌治赤谷城

烏孫於西域諸戎其形最異之胡人青

眼赤鬚狀類彌猴者其種也

去長安八千九百里東至都護治所千

七百二十一里西至康居蕃內地五千里地莽平多雨



雪山多松楠其心似松不田作種樹隨畜逐水草與匈

奴同俗國多馬富人至四五千匹民剛忘貪狼無信多

寇盜最為疆國故服匈奴後盛大取羈屬不肯往朝會

東與匈奴西北與康居西與大宛南與城郭諸國相接

本塞地也大月氏西破走塞王塞王南越縣度大月氏

居其地後烏孫昆莫擊破大月氏大月氏徙西臣大夏

而烏孫昆莫擊破大月氏大月氏徙西臣大夏而烏孫

昆莫居之故烏孫民有塞種大月氏種云始張騫言烏

孫本與大月氏共在敦煌間今烏孫雖疆大可厚賂招

令東居故地妻以公主與為昆弟以制匈奴語在張騫

傳武帝即令騫齎金幣往昆莫見騫如單于禮騫大慙

謂曰天子致賜王不拜則還賜昆莫起拜其他如故初

昆莫有十餘子中子大祿疆善將將眾萬餘騎別居大

祿兄太子太子有子曰岑陬岑音仕林反陬音子侯反太子蚤死謂

昆莫曰必以岑陬為太子昆莫哀許之大祿怒廼收其

昆弟將眾畔謀攻岑陬昆莫與岑陬萬餘騎令別居昆

莫亦自有萬餘騎以自備國分為三大總羈屬昆莫騫

既致賜諭指曰烏孫能東居故地則漢遣公主為夫人

結約為昆弟共距匈奴不足破也烏孫遠漢未知其大小又近匈奴服屬日久其大臣皆不欲徙昆莫年老國分不能專制迺發使送騫因獻馬數十匹報謝其使見漢人衆富厚歸其國其國後迺益重漢匈奴聞其與漢通怒欲擊之又漢使烏孫乃出其南抵大宛月氏相屬不絕烏孫於是恐使使獻馬願得尚漢公主為昆弟天子問羣臣議許曰必先內聘然後遣女烏孫以馬千匹得漢元封中遣江都王建女細君為公主以妻焉賜乘具服御物為備官屬宦官侍御數百人贈送甚盛烏孫

昆莫以為右夫人匈奴亦遣女妻昆莫昆莫以為左夫人公主至其國自治宮室居歲時一再與昆莫會置酒飲食以幣帛賜王左右貴人昆莫年老語言不通公主悲愁自為作歌曰吾家嫁我兮天一方遠託異國兮烏孫王穹廬為室兮旃為牆以肉為食兮酪為漿音食謂飯音飲居常土思兮心內傷願為黃鵠兮歸故鄉天子聞而憐之聞歲遣使者持帷帳錦繡給遺焉昆莫年老欲使其孫岑陁尚公主公主不聽上書言狀天子報曰從其國俗欲與烏孫共滅胡岑陁遂妻公主昆莫死岑陁代立岑

取者官號也名軍須靡昆莫王號也名獵驕靡後書昆

彌云昆莫本姓王號而其人名獵驕靡故書云昆彌昆

遂以昆彌為王號也岑陬尚江都公主生一女少夫公主死漢復

以楚王戊之孫解憂為公主妻岑陬胡婦子泥靡

尚小岑陬且死以國與季父大祿子翁歸靡曰泥靡夫

以國歸之翁歸靡既立號肥王復尚楚主解憂生三男

兩女長男曰元貴靡次曰萬年為莎車主次曰大樂為

左大將長女弟史為龜茲王絳賓妻小女素光為其

翎侯妻昭帝時公主上書言匈奴發騎田車師車師

匈奴為一共侵烏孫唯天子幸救之漢養士馬議欲擊

匈奴會昭帝崩宣帝初即位公主及昆彌皆遣使上書

言匈奴復連發大兵侵擊烏孫取車延惡師地收人民

去使使謂烏孫趣持公主來欲隔絕漢昆彌願發國半

精兵自給人馬五萬騎盡力擊匈奴唯天子出兵以救

公主昆彌漢兵大發十五萬騎五將軍分道並出語在

匈奴傳遣校尉常惠使持節護烏孫兵昆彌自將翎侯

以下五萬騎從西方入至右谷蠡王庭獲單于父行及嫂

居次名王犁汗都尉千長騎將以下四萬級馬牛羊驢橐

通志四夷西域傳三  
馳七十餘萬頭烏孫皆自取所虜獲還封惠為長羅侯是  
歲本始三年也漢遣惠持金幣賜烏孫貴人有功者元康  
二年烏孫昆彌因惠上書願以漢外孫元貴靡為嗣得令  
復尚漢公主結婚重親畔絕匈奴願聘馬羸各千匹詔下  
公卿議大鴻臚蕭望之以為烏孫絕域變故難保不可許  
上美烏孫新立大功又重絕故業遣使者至烏孫先迎取  
聘昆彌及太子左右大將軍都尉皆遣使凡三百餘人入  
漢迎取少主上廼以烏孫主解憂弟子相夫為公主置官  
屬侍御百餘人舍上林中學烏孫言天子自臨平樂觀會

匈奴使者外國君長大角抵設樂而遣之使長羅侯光祿  
大夫惠為副凡持節者四人送少主至敦煌未出塞聞烏  
孫昆彌翁歸靡死烏孫貴人共從本約立岑陁子泥靡代  
為昆彌號狂王惠上書願留少主敦煌惠馳至烏孫責讓  
不立元貴靡為昆彌還迎少主事下公卿望之復以為烏  
孫持兩端難結約前公主在烏孫四十餘年恩愛不親密  
邊竟未得安此已事之驗也今少主以元貴靡不立而還  
信無負於夷狄中國之福也少主不止繇役將興其原起  
此天子從之徵還少主狂王復尚楚主解憂生一男鳩靡

不與主和又暴惡失衆漢使衛司馬魏和意副候任昌送  
 侍子公主言狂王爲烏孫所忌苦易誅也遂謀置酒會罷  
 使士拔劍擊之劍旁下狂王傷上馬馳去其子細沈瘦音瘦  
 搜會兵圍和意昌及公主於赤谷城數月都護鄭吉發諸  
 國兵救之廼解去漢遣中郎將張遵持醫藥治狂王賜金  
 二十斤采繒因収和意昌係瑣從尉犁檻車至長安斬之  
 車騎將軍長史張翁留驗公主與使者謀殺狂王狀主不  
 服叩頭謝張翁捽主頭罵音捽其頭主上書翁還坐死  
 副使季都別將醫養視狂王狂王從十餘騎送之都還坐

知狂王當誅見便不發下音替室初肥王翁歸麻非胡婦子烏  
 就屠狂王傷時驚與諸翎侯俱去居北山中揚言母家匈  
 奴兵來故衆歸之後遂襲殺狂王自立爲昆彌漢遣破羌  
 將軍辛武賢將兵萬五千至敦煌遣使者案行表穿卑鞞  
 侯井以西欲通渠轉穀積居廬舍以討之初楚主侍者馮  
 嫪音了嫪者慧也故以爲名能史書習事嘗持漢節爲公主使行賞賜  
 於城郭諸國敬信之號曰馮夫人爲烏孫右大將妻右大  
 將與烏就屠相愛都護鄭吉使馮夫人說烏就屠以漢兵  
 方出必見滅不如降烏就屠恐曰願得小號宣帝徵馮夫



人自問狀遣謁者竺次期門甘延壽為副送馮夫人馮夫人  
人錦車持節詔烏就屠詣長羅侯赤谷城立元貴靡為大  
昆彌烏就屠為小昆彌皆賜印綬破羌將軍不出塞還後  
烏就屠不盡歸諸翎侯民衆漢復遣長羅侯惠將三校屯  
赤谷因為分別其人民地界大昆彌戶六萬餘小昆彌戶  
四萬餘然衆心皆附小昆彌元貴靡鴟靡皆病死公主上  
書言年老土思願得歸骸骨葬漢地天子閔而迎之公主  
與烏孫男女三人俱來至京師是歲甘露三年也時年且  
七十賜以公主田宅奴婢奉養甚厚朝見儀比公主後二

歲卒三孫因留守墳墓云元貴靡子星靡代為大昆彌  
弱馮夫人上書願使烏孫鎮撫星靡漢遣吏卒百人送  
烏孫焉都護韓宣奏烏孫大吏大祿大監皆可以賜金  
印紫綬以尊輔大昆彌漢許之後都護韓宣復奏星靡  
怯弱可免更以季父左大將樂大為昆彌漢不許後段  
會宗為都護招還亡畔安定之星靡死子雌栗靡代小  
昆彌烏就屠死子拊離代立為築日貳所殺漢遣使者  
立拊離子安日為小昆彌日貳工阻康居漢徙已校屯  
姑墨欲候便討焉安日使貴人姑莫匿等三人詐亡從

日貳刺殺之都護廉褒賜姑莫匿等金人二十斤繒三百匹後安日為降民所殺漢立其弟末振將代時大昆彌雌栗靡健詔侯皆長服之告民牧馬畜無使入牧國中大安和翁歸靡時勝於翁歸靡時也小昆彌末振將恐為所并使貴人烏日領詐降刺殺雌栗靡漢欲以兵討之而未能遣中郎將段會宗持金幣與都護圖方略立雌栗靡季父公主孫伊秩靡為大昆彌漢沒入小昆彌侍子在京師者父之大昆彌詔侯難栖殺末振將末振將兄安日子安擊靡代為小昆彌末振將之兄名安日漢是

不自責誅末振將復使段會宗即斬其太子番丘番音盤還賜爵關內侯是歲元延二年也會宗以詔侯難栖殺末振將雖不指為漢合於討賊奏以為堅守都尉責大祿大吏大監以雌栗靡見殺狀奪金印紫綬更與銅墨云末振將弟卑爰壹音竹壹二反本共謀殺大昆彌將眾八萬餘口北附康居謀欲藉兵藉借也兼并兩昆彌兩昆彌畏之親倚都護哀帝元壽二年大昆彌伊秩靡與單于並入朝漢以為榮至元始中卑爰壹殺烏日領以自效漢封為歸義侯兩昆彌皆弱卑爰壹侵陵都護孫建襲

殺之自烏孫分立兩昆彌後漢用憂勞且無寧歲其後  
無聞至後魏時其國數為蠕蠕所侵西徙葱嶺山中無  
城郭隨畜牧逐水草太武太延三年遣使者董琬等使  
其國後每朝貢云

### 姑墨

姑默漢時通焉王治南城去長安八千一百五十里東  
至都護治所二千二十一里一作千二十里  
一作二千廿里南至干闥  
馬行十五日北與烏孫接出銅鐵雌黃東通龜茲六百  
七十里王莽時姑墨王丞殺溫宿國王并其國後魏時

### 役屬龜茲

### 溫宿

溫宿漢時通焉王治溫宿城去長安八千三百五十里  
東至都護治所二千三百八十里西至尉頭三百里北  
至烏孫赤谷六百一十里土地物類所有與鄯善諸國  
同東通姑墨二百七十里至後魏時役屬龜茲

### 龜茲

烏壘渠犂附

龜茲國漢時通焉王治延城去長安七千四百八十里  
南與精絕東南與且末西南與扞彌北與烏孫西與姑

墨接能鑄冶俗有城郭其城三重中有佛塔廟千所人  
 以田種畜牧為業男女皆翦髮垂項王宮壯麗煥若神  
 居東至都護治所烏壘城三百五十里烏壘都尉一人  
 戶百一十與都護同治其南三百三十里至渠犂城渠  
 犂都尉一人戶百三十東北與尉犂東南與且末南與  
 精絕接西有河至龜茲五百八十里自武帝初通西域  
 置校尉屯田渠犂是時軍旅連出師行三十二年海內  
 虛耗征和中貳師將軍李廣利以軍降匈奴上既悔遠  
 征而搜粟都尉桑弘羊與丞相御史奏言故輪臺東捷

和渠犂皆故國地廣饒水草有溉田五千頃以上處溫  
 和田美可益通溝渠種五穀與中國同時熟其旁國少  
 錐刀貴黃金采繒可以易穀食宜給足不可乏宜遣屯  
 田卒詣故輪臺以東置校尉三人分護各舉圖地形通  
 利溝渠務使以時益種五穀張掖酒泉遣騎假司馬為  
 斥候屬校尉事有便宜因騎置以聞田一歲有積穀募  
 民壯健有累重敢徙者詣田所就畜積為本業益墾溉  
 田稍築列亭連城而西以威西國輔烏孫為便臣謹遣  
 徵事臣昌分部行邊嚴勅太守都尉明逢火選士馬謹

斥候蓄芟草願陛下遣使使西國以安其意武帝下詔  
深陳既往之悔曰前有司奏欲益民賦三十助邊用

者每口轉增三十錢是重困老弱孤獨也而今又請遣卒田輪臺

輪臺西於車師千餘里前開陵侯擊車師時危須尉犁

樓蘭六國子弟在京師者皆先歸發畜食迎漢軍又自

發兵凡數萬人王各自將共圍車師降其王諸國兵便

罷力不能復至道上食漢軍餉音漢軍破城食至多然

士自載不足以竟師彊者盡食畜產羸者道死數千人

朕發酒泉驢橐駝負食出玉門迎軍吏卒起張掖不甚

遠然尚所留甚眾曩者朕之不明以軍候弘上書匈奴

縛馬前後足置城下馳言秦人我句若馬謂中國為秦人習故言也

句乞與也若汝也乞音氣又漢使者久留不還故興師遣貳師將軍

欲以為使者威重也古者卿大夫與謀參以蓍龜不吉

不行乃者以縛馬書徧視丞相御史二千石諸大夫郎

為文學者乃至郡屬國都尉成忠趙破奴等皆以匈奴

自縛其馬不祥甚哉或以為欲以見彊天不足者視人

有餘易之卦得大過爻在九五匈奴困敗公車方士太

史治星望氣及太卜龜蓍皆以為吉凶匈奴必破時不可

再得也又曰北伐行將於輔山必克卦諸將貳師最吉  
 以故朕乃親發貳師下輔山詔之必毋深入今計謀卦  
 兆皆反繆重合侯得匈奴候者言聞漢軍當來匈奴使  
 巫埋羊牛所出諸道及水上以詛軍單于遺天子馬裘  
 常使巫祝之縛馬者詛軍事也又卜漢軍一將不吉匈  
 奴常言漢極大然不能飢渴能音耐失一狼走千羊乃者  
 貳師敗軍事死畧離散悲痛常在朕心今請遠田輪臺  
 欲起亭隧是擾勞天下非所以優民也今朕不忍聞大  
 鴻臚等又議欲募囚徒送匈奴使者明封侯之賞以報

忿五伯所弗能為也且匈奴得漢漢者常提掖掖

以所聞搜索者恐其或私齎文書也今邊塞未正闌出不禁障候長

吏使卒獵獸以皮肉為利卒苦而逢燹火之失亦上集不

得後降者來若捕生口虜乃知之當今務在於禁苛暴

止擅賦力本農脩馬復令以補缺毋乏武備而已郡國

二千石各上進畜馬方略補邊狀與計對由是不復出

軍而封丞相車千秋為富民侯以明休息富養民也初

貳師將軍李廣利擊大宛還過扞彌扞彌遣太子賴丹

質龜茲廣利責龜茲曰外國比日臣屬於漢龜茲何以得

受扞彌質即將賴丹入至京師昭帝乃用桑弘羊前議以扞彌太子賴丹爲校尉將軍田輪臺輪臺與渠犂地皆相連也龜茲貴人姑翼謂其王曰賴丹本臣屬吾國今佩漢印綬來迫吾國而田必爲害王即殺賴丹而上書謝漢漢未能征宣帝時長羅侯常惠使烏孫還便宜發諸國兵合五萬人攻龜茲責以前殺校尉賴丹龜茲王謝曰乃我先王時爲貴人姑翼所誤我無罪執姑翼詣惠惠斬之時烏孫公主遣女來至京師學鼓琴漢遣樂奉送公主過龜茲龜茲前遣人至烏孫求公主女未

還會女過龜茲龜茲王留不遣復使報公主主許之後公主上書願令女比宗室入朝而龜茲王絳賓亦愛其夫人上書言得尚漢外孫爲昆弟願與公主女俱入朝元康元年遂來朝賀王及夫人皆賜印綬夫人號稱公主賜以車騎旗鼓歌吹數十人綺繡雜繒琦珍凡數千萬留且一年厚贈送之後數來朝賀樂漢衣服制度歸其國治宮室作徼道周衛出入傳呼撞鐘鼓如漢家儀外國胡人皆曰驢非驢馬非馬若龜茲王所謂羸也絳賓死其子丞德自謂漢外孫成哀帝時往來尤數漢遇

之亦甚親密自西域敗沒遂不復通建武以降或臣或  
叛互見諸戎傳中晉武太康中其王遣子入侍惠懷末  
以中國擾亂就貢方物於張重華苻堅時堅命其將呂  
光卒衆七萬伐之其王白純距境不降光進軍討平之  
後魏太武太延中嘗遣使入貢梁普通二年其王尼瑞  
摩珠那勝奉表達于建康唐貞觀二十三年將軍阿史  
那社爾伐龜茲虜其王如歸立嗣子素稽爲王安西都  
護府治其城焉龜茲之在唐世則并有漢時姑墨溫宿  
剽頭三國之地云

### 尉犁

尉犁漢時通焉王治尉犁城去長安六千七百五十里  
西至都護治所三百里南與鄯善且末接

### 危須

危須漢時通焉王治危須城去長安七千二百九十里  
西至都護治所五百里至焉耆百里

### 焉耆

焉耆漢時通焉王治負渠城去長安七千三百里西南  
至都護治所四百里南去尉犁百里北與烏孫接東去



交河城九百里西去龜茲九百里皆沙磧其國近海水多魚鹽蒲葦之利四面有大山道險阨易守海水曲入四山之內周匝其城三十餘里後漢明帝永平中有戶萬五千與龜茲共攻沒都護陳睦校尉郭恂殺吏士二千餘人至永元六年都護班超發諸國兵討焉耆危須尉犁山國遂斬焉耆尉犁二王首傳送京師縣蠻夷邸超乃立焉耆左侯元孟爲王尉犁危須山國皆更立其王至安帝時西域皆叛延光中超子勇爲西域長史復討定諸國元孟與尉犁危須不降永建二年勇與敦煌

太守張朗擊破之元孟乃遣子詣闕貢獻晉武帝太康中其王龍安遣子入侍安夫人獵胡之女妊身十二月剖脅生子曰會立之爲世子會少而勇傑安病篤謂會曰我嘗爲龜茲王白山所辱不忘於心汝能雪之乃吾子也及會立襲滅白山遂據其國遣子熙歸本國爲王會有膽氣籌略遂霸焉胡葱嶺以東莫不率服其俗丈夫翦髮婦人衣襦著大袴婚姻同於華夏兵有弓刀甲楯死亡者皆焚而後葬其服制滿七日則除之俗事天神尤崇信佛道氣候寒土田良沃穀有稻粟菽麥畜有

駝馬牛羊養蠶不以爲絲唯取綿纈俗尚蒲萄酒兼愛  
音樂會之據龜茲也恃勇輕率嘗出宿于外爲龜茲國  
人羅雲所殺其後張駿遣沙州刺史楊宣率衆疆理西  
域宣以部將張植爲前鋒所向風靡軍次焉耆熙距戰  
於賁崙城爲植所敗植進屯鐵門未至十餘里熙又率  
衆先要之於遮留谷植將至或曰漢祖畏於柏人岑彭  
死於彭亡今谷名遮留殆將有伏植單騎嘗之果有伏  
發植馳擊敗之進據尉犁熙率其羣下四萬人肉袒降  
于宣呂光討西域復降于光及光僭位姑臧熙又遣子

入侍後魏太武世嘗遣成周公萬度歸討焉耆其王媯  
尸畢那衆大潰單騎走入山中度歸進屠其城先是四  
部諸戎皆降服焉耆焉耆爲國斗絕一隅充實日久魏  
獲其珍竒異玩殊方詭譎難名之物不可勝計橐駝馬  
牛雜畜殆至巨萬至後周武帝保定四年其王遣使獻  
名馬隋煬帝大業中其王龍突騎遣貢方物唐貞觀六  
年又遣使奉獻突騎姓王當是龍安之後或未可知焉  
耆之在唐世盡并有漢時尉犁危須山國三國之地并  
鄯善之比界矣

烏貪訾離

烏貪訾離漢時通焉王治于婁谷去長安萬三百三十里東與單桓南與且彌西與烏孫接

卑陸

卑陸漢時通焉王治天山東接乾當谷去長安八千六百八十里西南至都護治所千二百八十七里

卑陸後國

卑陸後國王治番渠類谷番音步潘反去長安八千七百一十里其地東與郁立師北與匈奴西與劫國南與車師

接

郁立師

郁立師漢時通焉王治內咄谷咄丁忽反去長安八千八百三十里東與車師後城長西與卑陸北與匈奴接

單桓

單桓漢時通焉王治單桓城去長安八千八百七十里

蒲類

蒲類漢時通焉王治天山西疏榆谷去長安八千三百六十里西南至都護治所千三百八十七里人廬帳而

居逐水草頗知田作有牛馬駱駝羊畜能作弓矢國出  
好馬蒲類本大國也前西域屬匈奴而其王得罪單于  
單于怒徙蒲類萬六千餘口內之匈奴右部阿惡地因  
號曰阿惡國南去車師後部馬行九十餘日人口貧羸  
逃亡山谷間故留爲國云

蒲類後國

蒲類後國去長安八十六百三十里

移支

移支後漢時通焉王名蒲類地其人勇猛敢戰以寇鈔

爲事皆被髮隨畜逐水草不知田作所出皆與蒲類同

西且彌

西且彌漢時通焉王治天山東于大谷去長安八千六  
百七十里西南至都護治所千四百八十七里

東且彌

東且彌漢時通焉王治天山東允虛谷去長安八千二  
百五十里西南至都護治所千五百八十七里人廬帳  
而居逐水草頗田作其所出有亦與蒲類同所居無常

劫國

通志卷之四  
劫國漢時通焉王治天山東丹渠谷去長安八千五百  
百七十里西南至都護治所千四百八十七里

狐胡

狐胡漢時通焉王治車師柳谷去長安八千二百里西  
至都護治所千一百四十七里至焉耆七百七十里

山國

山國漢時通焉去長安七千一百七十里西至尉犁二  
百四十里西北至焉耆百六十里西至危須二百六十  
里東南與鄯善且末接山出鐵民山居寄田糴穀於焉

耆龜茲

車師

車師前王後王並漢時通焉前王國一曰前部治交河  
城今交河郡水分流繞城下故以為號去長安八千一百五

十里西南至都護治所千八百七十里西域長史及戊己  
校尉並治於此去敦煌十三日行其地東西三百里南

北五百里四面多大山後王治務塗國唐北庭府蒲類縣也去長

安八千九百五十里西南至都護治所千二百三十七里

北與匈奴接又有車師後成長國武帝天漢二年以匈奴

降者介和王為開陵侯將樓蘭國兵始擊車師匈奴遣  
 右賢王將數萬騎救之漢兵不利引去征和四年遣重  
 令侯馬通將四萬擊匈奴道過車師復遣開陵侯將樓  
 蘭尉犁危須凡六國兵別擊車師勿令得遮重合侯諸  
 國共圍車師車師王降服臣屬漢昭帝時匈奴復使四  
 千騎田車師宣帝即位遣祈連將軍田廣明等五將軍  
 將兵擊匈奴車師田者驚去車師復通於漢匈奴怒召  
 其太子軍宿欲以為質軍宿焉耆外孫不欲質匈奴亡  
 走焉耆車師王更立子烏貴為太子及烏貴立為王與

匈奴結婚姻教匈奴遮漢道通烏孫者地節二年漢遣  
 侍郎鄭吉校尉司馬熹許文反將免刑罪人田渠犁積穀  
 欲以攻車師至秋收穀吉熹發城郭諸國兵萬餘人自  
 與所將田士千五百人共擊車師攻交河城破之王尚  
 在其北石城中未得會軍食盡吉等且罷兵歸渠犁田  
 收秋畢復發兵攻車師王於石城王聞漢兵且至北走  
 匈奴求救匈奴未為發兵王來還與貴人蘇猶議欲降  
 漢恐不見信蘇猶教王擊匈奴邊國小蒲類斬首略其  
 人民以降吉車師旁小金附國隨漢軍後盜車師車師

王復自請擊破金附匈奴聞車師降漢發兵攻車師吉  
意引兵北迎之匈奴不敢前吉意即留一候與卒二十  
人留守王吉等引兵歸渠犂車師王恐匈奴兵復至而  
見殺之也乃輕騎奔烏孫吉即迎其妻子置渠犂東奏  
事至酒泉有詔還田渠犂及車師益積穀以安西國侵  
匈奴吉還傳送車師王妻子詣長安賞賜甚厚每朝會  
四夷常尊顯以示之於是吉始使吏卒三百人別田車  
師得降者言單于大臣皆曰車師地肥美近匈奴使漢  
得之多田積穀必害人國不可不爭也果遣騎來擊田

者吉乃與校尉盡將渠犂田士千五百人往田匈奴益  
復遣騎來漢田卒少不能當保車師城中匈奴將即其  
城下謂吉曰單于爭此地不可田也圍城數日乃解後  
常數千騎往來守車師吉上書言車師去渠犂千餘里  
間以河山北近匈奴漢兵在渠犂者勢不能相救願益  
田卒公卿議以為道遠煩費可且罷車師田者詔遣長  
羅侯常惠將張掖酒泉騎出車師北千餘里揚威武車  
師旁胡騎引去吉乃得出歸渠犂凡三校尉屯田車師  
王之走烏孫也烏孫留不遣遣使上書願留車師王備

國有急可從西道以擊匈奴漢許之於是漢召故車師  
太子軍宿在焉耆者立以為王盡徙車師國民令君渠  
犁遂以車師故地與匈奴車師王得近漢田官與匈奴  
絕亦安樂親漢後漢使侍郎殷廣德責烏孫求車師王  
烏孫遣其貴人將詣闕賜第與其妻子居是歲元康四  
年也其後置戍已校尉屯田居車師故地元始中車師  
後王國有新道出五船北通玉門關往來差近戊己校  
尉徐普欲開以省道里半避白龍堆之阨車師後王姑  
句音鈞以道當為挂置挂鈔羽反言新道當出於後王國漢使往來後王主為之供饋挂置

猶僻也心不便也地又頗與匈奴南將軍地接普欲分明  
其界然後奏之召姑句使證之不肯繫之姑句數以牛  
羊賂吏求出不得姑句家矛端生火其妻股紫陬謂姑  
句曰矛端生火此兵氣也利以用兵前車師前王已為  
都護司馬所殺今又繫必死不如降匈奴即馳突出高  
昌壁入匈奴又去胡來王唐堯國比大種赤水羌比音近  
頻寐反數相寇不勝告急都護但欽欽不以時救助唐堯  
困急怨欽東守玉門關玉門關不納即將妻子人民千  
餘人立降匈奴匈奴受之而遣使上書言狀是時新都



侯王莽秉政遣中郎將王昌等使匈奴告單于西域內屬不當得受單于謝罪執二王以付使者莽使中郎王萌待西域惡都奴界上逢受單于遣使送因請其罪使者以聞莽不聽詔下會西域諸國王陳軍斬姑句唐兜以示之至莽篡位建國二年以廣新公甄豐為右伯當出西域車師後王須置離聞之與其右將股鞞左將尸泥支謀曰聞甄公為西域太伯當出故事給使者牛羊穀芻芡導譯前五威將過所給使尚未能備今太伯復出國益貧恐不能稱欲亡入匈奴戊己校尉刁護聞之

致離驗問辭服乃械置都護但欽在所埽婁城置離人民知其不還皆哭而送之至欽則斬置離置離兄輔國侯狐蘭支將置離衆二千餘人驅畜產舉國亡降匈奴是時莽易單于璽單于恨怒遂受狐蘭支降遣兵與共擊車師後城長傷都護司馬及狐蘭支兵復還入匈奴時戊己校尉刁護病遣史陳良屯桓且谷備匈奴寇

且子  
余反

史終帶取糧食司馬承韓玄領諸壁右曲侯任尙

領諸壘相與謀曰西域諸國頗背叛匈奴欲大侵要死可殺校尉將人衆降匈奴即將數千騎至校尉府脅諸

亭令燔積薪分告諸壁曰匈奴十萬騎來入吏士皆持  
兵後者斬得三四百人去校尉府數里止晨火難古然字

校尉開門擊鼓收吏士良等隨入遂殺校尉刁護及子

男四人諸昆弟子男獨遺婦女小兒止留戍已校尉城

遣人與匈奴南將軍相聞南將軍以二千騎迎良等良

等盡脅略戍已校尉吏士男女二千餘人入匈奴單于

以良帶為烏賁都尉賁音奔後三歲單于死弟烏索單于

咸立復與莽和親莽遣使者多齎金幣賂單于購求陳

良終帶等單于盡收四人及手殺刁護者之音妻子以

下二十七人皆械檻車付使者到長安莽皆燒殺之其

後莽復欺詐單于和親遂絕匈奴大擊北邊而西域亦

瓦解焉耆國近匈奴先叛殺都護但欽莽不能討天鳳

三年乃遣五威將王駿西域都護李崇將戍已校尉出

西域諸國皆郊迎送兵穀焉耆詐降而聚兵自備駿等

將莎車龜茲兵七千餘人分為數部入焉耆焉耆伏兵

要遮駿及姑墨尉犂危須國兵為反間還共襲擊駿等

皆殺之唯戍已校尉郭欽別將兵後至焉耆焉耆兵未

還欽擊殺其老弱引兵還莽封欽為剡胡子剡子小反李崇

還欽擊殺其老弱引兵還莽封欽為剡胡子剡子小反李崇

收餘士還保龜茲數年莽死崇遂沒西域因絕東漢建武二十一年車師後王與鄯善焉耆等國遣子入侍光武遣還之乃附屬匈奴明帝永平十六年漢取伊吾盧通西域車師始復內屬匈奴遣兵擊之復降匈奴和帝永元二年大將軍竇憲破北匈奴車師震懼前後王各遣子奉貢入侍並賜印綬金帛八年戊巳校尉索願欲廢後部王涿鞬立破虜侯細致涿鞬忿前王尉卑大賣巳因反擊尉卑大獲其妻子明年漢遣將兵長史三林發涼州六郡兵及羌胡二萬餘人以討涿鞬獲首虜千

餘人涿鞬入北匈奴漢軍追擊斬之立涿鞬弟農奇為王至永寧元年後王軍就及毋沙麻反畔殺後部司馬及敦煌行事至安帝延光四年長史班勇擊軍就大破斬之順帝永建元年勇率後王農奇子加特奴及八滑等發精兵擊北匈奴呼衍王破之勇於是上立加特奴為後王八滑為後部親漢侯陽嘉三年夏車師後部司馬率加特奴等千五百人掩擊北匈奴於閼吾陸谷獲其母及季母殺掠甚眾四年春呼衍王率兵侵後部帝以車師接近北匈奴為西域蔽扞乃令敦煌太守發諸

國兵及玉門關候伊吾司馬合六千三百騎救之掩擊呼衍王於鞞山漢軍不利秋呼衍王復將二千人攻後部破之桓帝元嘉元年呼衍王將三千餘騎寇伊吾伊吾司馬毛愷與戰于蒲類海東吏士悉為所沒呼衍王遂攻伊吾屯城夏遣敦煌太守司馬達將敦煌酒泉張掖屬國吏兵四千餘人救之出塞至蒲類海呼衍王聞而引去漢軍無功而還永興元年車師後部王阿羅多與戊部候嚴皓不相得遂忿戾反畔攻圍漢屯田上固城殺傷吏士後部候炭遮頌餘人畔阿羅多詣漢吏降

阿羅多迫急將其母妻從百餘騎亡走北匈奴中敦煌太守宋亮上立後部故王軍就質子卑君為後部王後阿羅多復從匈奴中還與卑君爭國頗收其國人戊校尉閻詳慮其招引北匈奴將亂西域乃開信告示許復為王阿羅多乃詣詳降於是收奪所賜卑君印綬更立阿羅多為王仍將卑君還敦煌以後部人三百帳別屬役之食其稅帳者猶中華之戶數也自後無聞至魏時賜其王壹多羅

守魏侍中號大都尉晉世以交河城為高昌郡

蓋因其地高敞

人庶蕃盛立名或云昔漢武帝遣兵西討張軌呂光沮

渠蒙遜在河西皆置太守以統之其國人面貌類高麗  
男女辮髮垂之於背皆著長身小袖袍縵襠袴女子頭  
髮辮而不垂著錦纈纓絡環釧其地高燥多石磧氣候  
溫暖與益州相似穀麥再熟宜蠶多五果有草名為羊  
刺其上生蜜而味甚佳地產赤鹽其色如朱復有白鹽  
其形如玉高昌人取以為枕貢之中國多蒲萄酒俗事  
天神兼信佛法國中羊馬牧在隱僻處以避外寇非貴  
人不知其所又有草實如蘭中絲如細纊名為白疊子  
國人取以為布交市用焉其國北有赤石山山北七十

里有貪汗山夏有積雪此山之北鐵勒界也從武威西  
北有捷路度沙磧千餘里四面茫然無有蹊徑欲往者  
不可准記唯以人畜骸骨及駝糞為驗路中或聞歌哭  
之聲行人尋之多致亡失蓋魑魅魍魎也故商旅往來  
多取伊吾路後魏太武時有闐爽者自為高昌太守太  
延中遣散騎侍郎王恩生等使高昌為蠕蠕所執太平  
真君中爽為沮渠無諱所奪襲據之爽拔其衆三分之  
一欲奔蠕蠕保焉耆東界後八年爽子車夷落在焉耆  
上表朝廷求賑救太武詔開焉耆倉以給之無諱死弟

通志四夷四十一  
安周立文成和平元年其地爲蠕蠕所并蠕蠕以闕伯  
周爲高昌王高昌稱王自此始也孝文太和初伯周死  
子義成立歲餘爲從兄首歸所殺自立爲高昌王五年  
高車主阿伏至羅殺首歸兄弟以敦煌人張孟明爲王  
後爲國人所殺立馬儒爲王以鞏顧禮麴嘉爲左右長  
史二十一年儒遣司馬王體玄奉表朝貢請師迎接求  
舉國內徙孝文納之遣明威將軍韓安保率騎千餘赴  
之割伊吾地五百里使儒居之至羊榛水儒遣嘉禮率  
步騎一千五百迎安保去高昌四百里而安保不至禮

等還高昌安保亦還伊吾安保遣使與韓興安等十二  
人使高昌儒復遣顧禮將其世子義舒迎安保至自棘  
城去高昌百六十里而高昌舊人情戀本土不願東遷  
相與殺儒而立麴嘉爲王嘉字靈鳳金城榆中人旣立  
臣于蠕蠕那蓋顧禮與義舒隨安保至洛陽及蠕蠕主  
伏圖爲高車所敗嘉又臣高車初前部胡人悉爲高車  
所徙入於焉耆又爲噉啞所殺國人分散衆不自立請  
王於嘉嘉遣其第二子爲焉耆王由是始大益爲國人  
所服永平元年嘉遣其兄子私署左衛將軍田地太守

孝亮朝京師仍求內徙乞軍迎援於是遣龍驤將軍孟威發涼州兵三千人迎至伊吾失期而反於後十餘遣使獻珠像白黑貂裘名馬鹽枕等款誠備至唯賜優旨卒不重迎三年嘉遣使朝貢宣武又遣孟威宣詔勞之延昌中以嘉為持節平西將軍瓜州刺史泰臨縣開國伯私署王如故熙平初遣使朝獻詔曰卿地隔關山境接荒漠頻請朝援徙國內遷雖來誠可嘉即於理未帖何者彼之吐庶是漢魏遺黎自晉氏不綱因難播越成家立國世積已久惡徙重遷人懷戀舊今若動之恐異

同之變爰在肘腋不得便如來表也神龜元年冬孝亮復表求援內徙朝廷不許正光元年明帝遣負外將軍趙義等使於嘉嘉朝貢不絕又遣使奉表自以邊遐不習典誥求借五經諸史并請國子助教劉燮以為博士明帝許之嘉死贈鎮西將軍涼州刺史子堅立於後關中賊亂使命遂絕普泰初堅遣使朝貢除平西將軍瓜州刺史泰臨縣伯王如故又加衛將軍孝武永熙中特除儀同三司進為郡公梁大同中堅嘗遣使獻鳴鹽枕蒲萄良馬氍毹等物於江左其使人云本國有朝烏旦

旦集於王之殿前爲行列不畏人日出然後散去云周武帝武成初堅復遣使獻方物武帝保定元年又遣使來貢其國周時有一十六城至隋世乃增其二都城周廼一千八百四十步於坐堂畫魯哀公問政於孔子之像官有令尹一人比中夏相國次有公二人皆王子也一爲交河公一爲田地公次有左右衛次有八長史曰吏部祠部庫部倉部主客禮部戶部兵部等長史也次有五將軍曰建武威遠陵江殿中伏波等將軍也次有八司馬長史之副也次有侍郎校郎主簿從事階位相次分掌諸事次有省事專掌導引其大事則決於王小事則世子及二公隨狀斷決評章錄記事訖即除籍書之外無父掌文案官人雖有列位並無曹府唯每早集於牙門評議衆事諸城各有戶曹水曹田曹每城遣司馬侍郎相監檢校名爲城令兵器有弓箭刀楯文字亦同華夏兼用胡書有毛詩論語孝經置學官弟子以相授雖習讀之而皆爲胡語賦稅則計田輸銀錢無者麻布其刑法風俗婚姻喪葬與中國小異而大同隋開皇十年突厥破其四城有二千人來歸中國堅死子



伯雅立其大母本突厥可汗女其父死突厥令依其俗  
伯雅不從者久之突厥逼之不得已而從煬帝即位引  
置諸蕃大業四年遣使貢獻帝待其使甚厚明年伯雅  
來朝因從擊高麗還尚宗室女華容公主八年冬歸蕃  
下令國中皆解辮削衽帝聞而嘉之下詔褒美賜冠帶  
衣履仍班製造之式然伯雅先臣鐵勒鐵勒恒遣重臣  
在高昌有商胡來往則稅之送于鐵勒雖有此令取說  
中華竟畏鐵勒不敢改也自是歲令貢其方物唐武德  
中遣使獻狗雌雄各一高六寸長尺餘性甚慧能牽馬

銜燭云本生拂菻國其後不供職貢貞觀四年其王文

泰來朝

伯雅之子

後與西突厥連結諸國朝貢者皆道出高

昌文泰皆擁絕之至十三年太宗謂其使曰高昌數年  
來朝貢脫畧我使人至彼文泰云鷹飛于天雉竄于蒿

猫游于堂鼠穿于穴各得其所豈不治邪明年當發兵

以擊汝國十四年八月交河道行軍大總管侯君集平

高昌國下其郡三縣五城二十二戶八千四十六口萬

七千七百三十馬四千三百疋太宗以其地爲西州以

交河城爲交河縣始昌城爲八山縣田地城爲柳中縣

東鎮城為蒲昌縣高昌城為高昌縣初西突厥遣其葉護屯兵於可汗浮圖城與高昌為影響至是懼而來降以其地為庭州并置蒲類縣每歲調內地更發千人鎮遏焉黃門侍郎褚遂良上疏以為勞師動眾虛內事外作無益害有益不若擇高昌可立者而立之使負戴漢恩長為蕃翰不從

滑國

阿波檀 胡密丹

周百柯 白題附

滑國車師之別種也後漢時通焉順帝永建初八滑從班勇擊北匈奴有功漢以八滑為後部親漢侯自

以來不通中國梁武帝天監十五年其王厭帶夷栗陀始遣使獻方物普通初復獻黃師子白貂裘波斯錦等物後魏之居代都滑猶為小國屬蠕蠕後稍疆大征其旁國波斯渴槃陀屬賓焉耆龜茲疏勒姑墨于闐旬般等國開地千里土地溫暖多山川少樹木有五穀國人以麵及羊為糧其獸有師子兩脚駝野驢有角人皆善騎射著小袖長袍用金玉為帶女人披裘頭上刻木為角長六寸以金銀飾之少女子兄弟共妻無城郭以氈屋為居東向開戶其王坐金牀隨太歲轉與妻並坐接

客無文字以木為契與旁國通則使旁國胡為胡書羊  
皮為紙無職官事天神火神每日則出戶祀神而後食  
其跪一拜而止葬以木為槨父母死其子截一耳葬訖  
即吉其言語待河南人譯然後通有阿跋檀周古柯胡  
密丹等國並滑旁小國也凡滑旁之國衣服容貌皆與  
滑同普通初皆遣使隨滑使來貢方物又有白題國在  
滑國東去滑六日行西極波斯土地出粟麥瓜果食物  
略與滑同其王姓支字史稽毅其先蓋匈奴之別種也  
漢灌嬰與匈奴戰斬白題騎一人是也普通三年亦遣  
使朝獻江左云

車離

車離後漢時通焉居沙奇城一名禮惟持一名沛隸王  
在天竺東南三千餘里大國也其土氣物類與天竺同  
別城數十皆稱王其人怯弱大月氏伐之遂臣服焉其  
地東西南北方數千里人皆長八尺乘象駱駝往來鄰  
國有寇乘象以戰

高附

高附後漢時通焉在大月氏西南亦大國也其俗似天

竺而弱易服善賈販內富於財所屬無常天竺罽賓安  
息三國疆即得之弱則失之

後漢史云先末嘗屬月氏漢書以為五胡侯之數恐

誤蓋高附後屬安息及月氏破安息始得高附

### 大秦

大秦後漢時通焉一名犁鞬以在海西亦云海西國其  
地東西南北各數千里有四百餘城小國役屬者數十  
其地平夷人居星布列置郵亭皆堊墍之有松柏諸木  
百草人俗力田作多種樹蠶桑皆髡頭而衣文繡乘輜  
輶白蓋小車出入擊鼓建旌旗幡幟王治安都以石為

城郭周圍百餘里城中有五宮相去各千里宮室皆以  
水精為柱食器亦然其王日游一宮聽事五日而後徧  
常使一人持囊隨王車人有言事者即以書投囊中王  
至宮發省理其枉直各有官曹文書置三十六將皆會  
議國事其王無有常人皆簡立賢者國中災異及風雨  
不時輒廢而更立受放者甘黜不怨其人民皆長大平  
正有類中國故謂之大秦土多金銀奇寶有夜光璧明

月珠駭雞犀

抱扑子云通天犀有白理如綫者以盛米置群雞中雞欲往啄米至輒驚故南人名

為駭雞也大貝木

注木難出金翅鳥口中結沫難所成碧色珠也工人珍之車渠馬腦虎

魄珊瑚

大秦西南漲海中可七八百里有珊瑚洲水底

水工没入視之可下網乃下初生色白漸漸似苗甲拆

歷一歲許出網目間變作黃色支格交錯高極三四尺

大者圍尺餘三年乃赤好後沒視之知可採便以鐵鈔

發其根乃以索繫網使人於船上絞車舉出還國理截

恣意所作若失時不舉便盡敗瑠璃琅玕朱丹青碧刺金縷繡織成金

縷罽雜色綾作黃金塗火浣布又有織成細布言用水

羊毳野蠶繭所作其氍毹毼罽帳之屬采色皆鮮於

海東諸國所出也又常利得中國縑素解以為胡綾緝

紋又合會諸香煎其汁以為蘇合其獸有神龜白馬朱

鬣璆瑁玄熊赤螭壁毒鼠等又西海有寶養之者似狗

多力獷惡北附庸小邑有羊羔自然生於土中候其欲

萌築牆環之恐為獸所食也其臍與地連割之絕則死

擊物驚之乃驚鳴遂絕逐水草無羣有幻人額上為炎

燼手中作江湖舉足而珠玉自墮開口則旛旄亂出國

貨以金銀為錢銀錢十當金錢一安息天竺人與之交

市於海中其利百倍其人質直市無二價穀食常賤國

用富饒鄰國使到其界者乘驛詣王都至則給以金錢

塗經大海海水鹹苦不可食商客往來皆齎三歲糧是

通志四身世地三  
恐之以未必能達英遂止不往語具安息傳中大秦王  
常欲通使於漢而安息欲以漢繒綵與之交市故遮閼  
不得自達至桓帝延熹九年大秦王安敦遣使自日南  
徼外獻象牙犀角瑇瑁始一通焉其所表貢並無珍異  
疑傳者過焉晉武帝太康中其王嘗遣使貢獻或云其  
國西有弱水流沙近西王母所居處幾於日所入也漢  
書云從條支西行二百餘日近日所入則與今書異矣  
前世漢使皆自烏弋以還莫有至條支者也又云從安  
息陸道繞海北行出海西至大秦人庶連屬十里一亭

三十里一置終無盜賊寇警而道多猛虎師子遮害行  
旅不百餘人齎兵器輒為所食又言有飛橋數百里可  
度海北諸國所生奇異玉石諸物怪譎多不經故不記

云

外國圖曰從隅巨北有國亦名曰大秦其種人長大

山

數千里亦曰大秦其人顏色紅白男子悉著素衣婦

諸

國者守死不敗鄉風琉璃妙者天下莫比王城方八

十

里四面境土各數千里勝兵約有百萬常與大食國

相

通西枕西海南枕南海北枕可薩突厥西海中有市

客

主和同我往則彼去彼來則我歸賣者陳之於前買

者

酬之於後皆以其直置諸物旁待領直然後收物名

曰

鬼市又聞西有女國感水而生又摩鄰國在教薩羅

國

西南渡大磧行二千里至其國其人黑其俗曠少米

麥

無草木馬食乾魚人食鵲莽鵲莽即波斯棗也瘴癘

百

通志四身世地三

特甚諸國陸行之所經山胡則一種有數等法有大食  
法有大秦法有尋尋法其尋尋蒸報於諸夷中最甚當  
食不語其大食法者以子弟親戚而作判典縱有過不  
至相累不食猪狗驢馬等肉不拜國王父母之尊不信  
鬼神祀天而已其俗每七日一假不買賣不出納唯飲  
酒謹浪終日其土人善醫眼及痢或未病先見或開腦  
蟲出

### 奄蔡

奄蔡漢時通焉一名粟弋西與大秦東南二千里與康  
居接去陽關八千餘里控弦十餘萬與康居同俗而屬  
康居出名馬牛羊蒲萄衆果其土水美故蒲萄酒特有  
名焉又有嚴國在奄蔡北屬康居出鼠皮以輸之奄蔡

其國至後漢時改名阿蘭聊居於地城土氣溫和多楨  
松白草後魏時稱為粟特國國人云其國見居葱嶺之  
西故奄蔡地也一名温那沙居於大澤在康居西北去  
代一萬六千里北距安息五千里附庸小國四百餘城  
土出大禾高丈餘子如胡豆先是匈奴殺其王而有其  
地至今王忽倪已三世矣粟特國商人先多詣姑臧販  
買及太武平涼州并見鹵掠文成初忽倪遣使請贖所  
獲商人詔聽焉自後每使朝貢周保定四年復遣使致  
其方物

小人

小人在大秦之南軀纔三尺其耕稼之時懼為鶴所食  
大秦每衛助之小人竭其珍以酬報

軒渠

軒渠其國多九色鳥青口綠頸紫翼紅膺紺頂丹足碧  
耳紺背玄尾亦名九尾鳥亦名錦鳳其青多紅少謂之  
繡鸞常從弱水西來或云是王母之使也其國幣貨同  
三童國也

三童

三童在軒渠國西南千里人皆眼有三精珠或有四舌  
者能為一種聲亦能俱語常貨多用蕉越犀象作金幣  
率效國王之面亦效王后之面若丈夫交易則用國王  
之面王死則更鑄

澤散

澤散魏時聞焉屬大秦其治在海中央北至驢分水行  
半歲風疾時一月到最與安息城谷相近西南詣大秦  
都不知里數

驢分



驢分魏時聞焉屬大秦其治去大秦都二千里從驢分  
城西之大秦度海飛橋長二百四十里發海西道西南  
繞海道直西行至焉

### 堅昆

堅昆魏時聞焉在康居西勝兵二萬人隨水草畜牧多  
貂有好馬也

### 呼得

呼得魏時聞焉在葱嶺北烏孫西北康居東北勝兵萬  
餘人隨畜牧出好馬亦多貂

### 丁令

丁令魏時聞焉在康居北勝兵六萬人隨畜牧出名鼠  
皮白子青昆子皮此上三國堅昆中央俱去匈奴單于  
庭安習水七千里南至車師六國五千里西南去康居  
界二千里西去康居王治所八千里或以爲此丁令則  
匈奴北丁令也而此丁令在烏孫西似其種別也又匈  
奴北有屈射國有隔昆國有新犂國明此之南自復有  
丁令非烏孫西丁令也烏孫長老言北丁令有馬腦國  
其人聲音似鴈鶩從膝以上至頭人也膝以下生毛而

馬蹄不騎馬而走疾於馬勇健敢戰

### 短人

短人魏時聞焉在康居西北男女皆長三尺人衆甚多去奄蔡諸國甚遠康居長老傳聞嘗有商旅行北方迷惑失道而到斯國國中甚多真珠夜光明月珠見者不知名此國號言以意商度此國去康居可萬餘里

突厥本末

記云突厥窟北馬行一日有短人國長者不踰三尺亦有二尺者頭少毛髮若羊胞之狀突厥呼為羊胞頭國其傍無他種種類相侵俗無寇盜但有大鳥高七八尺常伺短人啄而食之短人皆持弓矢以為之備案此亦在西北即魏略云短人國是也

### 師子

師子東晉時通焉天竺旁國也在西海之中延袤二千餘里多出奇寶其地和適無冬夏之異五穀隨人所種不須時節其國舊無人止有鬼神有龍居之諸國商賈來共市場鬼神不見其形但出珍寶明其所堪價商人依賈取之諸國人聞其土樂因此競至或有停住者遂成大國能馴養神師子遂以為名風俗與婆羅門同而尤敬佛法安帝義熙初遣使獻玉佛像高四尺二寸玉色潔潤形制殊特殆非人工歷晉宋代在建康瓦棺官

寺

先有微王戴安道手制佛像五軀及額長康畫維摩詰并王像時人謂為三絕至齊東昏遂毀王像前截

臂次取身為發妾潘貴妃作釵釧時宋文帝元嘉五年

十二年其王刹利摩訶南各遣使貢獻梁武帝大通元

年後王迦葉迦羅訶黎邪亦使使貢獻杜還記云師子國亦曰新擅又

日婆羅門即南天竺也國之北人盡胡貌秋夏炎旱國之南人盡獠面四時霖雨從此始有佛法寺舍人皆儋

裹腰布

噉

噉大月氏之種類也亦曰高車之別種其源出於塞

北自金山而南在于闐之西都烏澹水南二百餘里去

長安一萬一百里其王都拔底延城蓋王舍城也其城

方十里餘多寺塔皆飾以金風俗與突厥略同其俗兄

弟共一妻夫無兄弟者妻戴一角帽若有兄弟者依其

多少之數更加帽角焉衣服類胡加以纓絡頭皆翦髮

其語與蠕蠕高車及諸胡不同眾可有十萬無城邑依

隨水草以氈為屋夏遷涼土冬逐暖處分其諸妻各在

別所相去或二百三百里其王巡歷而行每月一處冬

寒之時三月不徙王位不必傳子子弟堪者死便受之

其國無車有輿多駝馬用刑嚴急偷盜無多少皆要斬

盜一責十死者富家累石為藏貧者掘地而埋隨身諸物皆置冢內其人凶悍能鬪戰西域康居于闐疏勒安息及諸小國三十許皆役屬之號為大國與蠕蠕婚姻自魏太安以後每遣使朝貢正光末遣貢師子一至高平遇万俟醜奴反因留之醜奴平送京師永熙以後朝獻遂絕初熙平中明帝遣伏子統宋雲沙門法力等使西域訪求佛經時有沙門慧生者亦與俱行正光中還慧生所經諸國不能知其本末及山川里數蓋舉其略云至大統十二年遣使獻其方物廢帝二年周明帝二

年並遣使來獻後為突厥所破部落分散職貢遂絕隋大業中又遣使朝貢方物其國去漕國千五百里東至瓜州六千五百里

波斯

波斯後魏時通焉在達曷水之西都宿利城後周史云蘇利城隋

史云蘇蘭城記錄音訛其實一也

去代二萬四千二百二十八里西去

海數百里東南去穆國四千餘里西北至拂菻四千五百里即條支之故地也王姓波斯大月氏之別種其先有波斯匿王其子孫以王父字為氏因以為國號焉所

都城方十里戶十餘萬有河經其城中南流域西十五  
里有土山周廻高大其勢連接甚遠中有鷲鳥噉羊土  
人極以為患其王坐金羊座戴金花冠衣錦袍織成帔  
飾以真珠寶物其俗丈夫翦髮戴白皮帽貫頭衫兩肩  
近下開之亦有巾帔緣以織成婦人服大衫披大帔其  
髮前為髻後披之飾以金銀花仍貫五色珠絡之於膊  
王於其國內別有小牙十餘所猶中國之離宮也每年  
四月出游戲之十月仍還王即位以後擇諸子之內賢  
者密書其名封之於庫諸子及大臣皆莫之知也王死

眾乃發書視之其封內有名者即立之為王餘子各出

就邊任兄弟更不相見也國人號王曰醫贊才割切妃曰

陟率王之諸子曰殺野大官有摸胡壇掌國內獄訟泥

弗汗掌庫藏開禁地掌文書及眾務次有遏羅訶地掌

王之內事薛波教掌四方兵馬其下皆有屬官分統其

事兵有甲稍圓排劍弩弓箭戰則乘象其刑法重罪縣

諸竿上射殺之次則繫獄新王立乃釋之輕罪則劓刑

若髡若翦半髮又繫牌於項以為恥辱犯彊盜繫之終

身奸貴人妻者男子流婦人割其耳鼻賦稅則准地輸

銀錢俗事火神天神文字與胡書異多以姊妹爲妻妾  
自餘婚配亦不擇尊卑諸夷之中最爲醜穢百姓女子  
年十歲以上有姿貌者王收養之有功勲者即以分賜  
死者多棄於山一月著服城外有人別居唯知喪葬之  
事號爲不淨人若入城市則搖鈴以自別以六月爲歲  
首尤重七月七日十二月一日其日人庶以上各相命  
召設會作樂以極歡娛又每年正月二十日各祭其先  
死者氣候溫熱家自藏冰其地多砂磧引水灌溉其五  
穀及禽獸與中國略同唯無稻及黍土出名馬及馳富

室至有數千頭又出白象獅子多良大有大鳥形如橐  
駝有兩翼飛而不能高食草與肉亦能噉火有大鳥卵  
其寶貝則有真珠頗黎珊瑚琉璃馬腦水精瑟瑟金銀  
鍮石金剛火齊銅錫鑛鐵朱砂水銀錦疊細布氍毹毳  
毼護那越諾布金縷織成赤麋皮其香藥則有薰陸鬱  
金蘇合青木等香胡椒葷撥石蜜千年棗香附子訶梨  
勒無食子鹽綠雌黃又有優鉢曇花鮮華可愛地有鹹  
池國以饒富神龜中其王遣使上書貢方物云大國天  
子天之所生願日出處常爲漢中天子波斯王居和多

小千八  
千萬敬拜朝廷嘉納之自此每使朝獻西魏恭帝二年  
其王又遣使朝貢隋煬帝時遣雲騎尉李昱使通波斯  
其國致貢隨昱入朝突厥不能至其國頗羈縻之隋大  
業中亦遣使來唐貞觀二十一年其國獻理轉蛇形類  
鼠而色青身長八九寸能入穴取鼠杜遷記云自彼大  
食滅至天寶末已  
百餘  
年矣

### 伏盧尼

伏盧尼後魏時通焉都伏盧尼城在波斯國北去代二  
萬七千三百二十里累云為城東有大河南流中有鳥  
其形似人亦有如橐駝馬者皆有翼常居水中出水便  
死城北有云尼山出銀珊瑚琥珀多師子

### 悅般

悅般後漢時通焉在烏孫西北其先匈奴單于之部落  
也為漢車騎將軍竇憲所逐北單于度金微山西走康  
居其羸弱不能去者住龜茲北地方數千里眾可二十  
餘萬涼州人猶謂之單于王其風俗言語似高車而其  
人清潔倣胡俗翦髮齊眉以餅餠塗之昱昱然光澤日  
三澡漱然後飲食其國南界有火山山旁石皆燠鎔灌

地數十里乃凝堅人取以爲藥即石流黃也與蠕蠕結  
好其王嘗將數千人入蠕蠕國欲與蠕蠕主大檀相見  
入其界百餘里見其部人不浣衣不絆髮不洗手婦人  
口舐器物王謂其從臣曰汝曹誑我將我入此狗國中  
乃馳還大檀遣騎追之不及自是相仇讎數相攻討太  
武太平真君九年遣使朝獻并送幻人稱能割人喉脉  
令斷擊人頭令骨陷皆血出淋漓或數升或盈斗以草  
藥內其口中令嚼咽之須臾血止養瘡一月復常又無  
乘殿太武乃取死罪囚試之皆驗云中國諸名山皆有

此草乃使人受其術而厚遇之又言其國有大術者蠕  
蠕來鈔掠術人能作霖雨盲風大雪及行潦蠕蠕凍死  
亡者十二三是歲再遣使朝貢求與官軍東西合擊蠕  
蠕太武嘉其意命中外諸軍戒嚴以淮南王他爲前鋒  
襲蠕蠕仍詔有司以其鼓舞之節施於樂府自後每使  
朝貢

### 朱俱波

朱俱波後魏時通焉亦名朱居槃國漢子合國也今并  
有漢之西夜蒲犁依耐得若四國之地在于閩國西千



餘里其西至渴槃國南至女國二千里北至踈勒九百  
里南至葱嶺二百里其王本踈劫國人魏畧西戎傳曰西夜并屬踈勒  
宣武永平中朱居槃國遣使朝貢其人言語與于闐相  
似其間小異人貌多同華夏亦類踈勒唐武德以後亦頻  
遣使朝貢

### 渴槃陀

渴槃陀後魏時通焉亦名漢陀國亦名渴羅陀國治葱  
嶺東在朱俱波西河經其國東北流有高山夏積霜雪  
於噉噉西至護密國其南至縣度山無定界北至踈

勒國界西北至判汗國其王本踈勒人累代相承以居  
此國有九二千餘縣度山在國西南四百里縣度者谿  
谷不通以繩相引而度其間四百里往往有棧道因以  
為名今按縣度與葱嶺迤邐相屬郵置所絕道阻且長  
故行人由之莫能分別然法顯宋雲所經實縣度山也  
又有頭痛山在國西南向罽賓登大頭痛小頭痛之山  
赤土身熱之阪宋膺異物志云大頭痛小頭痛山皆在  
夏月不可行有至死者唯冬月可行尚使人  
吐有毒藥氣之所為也冬月藥氣枯歇故可行  
其葱嶺  
俗號極嶷山今按葱嶺周環其國衣服人貌音語與于

小六十六  
通志卷之四十五  
九六  
闐相似其間多有異者書與婆羅門同國中咸事佛人  
山居勁健雜人多而胡少有音樂兵器有甲稍弓刀國  
法殺人劫賊者死自餘懲罰有差其雜稅輸之婚姻有  
同踈勒王坐金人牀死者埋殯七日為孝太武帝太延  
三年朝獻於後不絕梁大同初復通江左獻其方物梁  
史稱渴槃陀國于闐西之小國也西隣滑國南接罽賓  
北連沙勒國都在山谷中城周回四十餘里國有十二  
城人衣言貝布著長身小袖袍小口袴地宜小麥資以  
糧多牛馬駱駝羊等出好氍毹時王姓沙葛氏云

鉢和

鉢和後魏時通焉在渴槃陀西其土尤寒人畜同居穴  
地而處又有大雪山望若銀峯其人唯食餅飲麥酒服  
氈裘有二道一道西行向嚙唵一道西南趨烏菴亦為  
嚙唵所統

波知

波知後魏時通焉在鉢和西南土狹人貧依託山谷其  
王不能總攝有三池傳云大池有龍王次者有龍婦小  
者有龍子行人經之設祭乃得過不則多有風雷之困

賒彌

賒彌後魏時聞焉在波知之南山不信佛法專事諸神亦附嚙噠東有鉢盧國路峻緣鐵練而度下不見底熙平中遣使宋雲等使其國竟不能達

烏菴

烏菴後魏時通焉在賒彌南北有葱嶺南至天竺波羅門上多林果引水灌田宜稻麥俗信佛多諸寺塔人有爭訟則服之以藥曲者發狂直者無恙為法不殺犯死唯徙於靈山西南有禮特山山上立寺以驢數頭運食山下無人控御自如來往也

乾陀

乾陀後魏時通焉在烏菴西本名業波為嚙噠所破因改焉其王本勅勒人臨國已三世矣好攻戰與罽賓關三年不罷人怨苦之有鬪象七百頭十人乘一象皆執兵仗象鼻縛刀以戰所都城東南七里有佛塔高七十七丈周三百步即謂雀離憍園也

阿鈎羌

阿鈎羌後魏時通焉在莎車西南去代一萬二千里國

西有縣度山土有五穀諸果市用錢為貨居上立宮室  
有兵器土出金珠

副貨

副貨後魏時通焉去代一萬七千里東至阿富汗使且國  
西至沒誰國中間相去一千里南有連山不知名北至  
奇沙國相去一千五百里國中有副貨城周匝七十里  
宜五穀蒲菑有馬馳騾國王有黃金殿殿下有金馳七  
頭各高三尺其王遣使朝貢

疊伏羅

疊伏羅後魏時通焉去代三萬一千里國中有勿悉城  
城北有疆奇水西流有白象并有阿末黎木皮中織作  
布土宜五穀宣武時其國王伏陁末多遣使獻方物自  
是每使胡貢

拔豆

拔豆後魏時通焉去代五萬一千里東至多勿當國西  
至旃那國中間相去七百五十里南至罽陵伽國北至  
弗那伏旦國中間相去九百里亦康國王之種類也字  
阿濫密都城方三里勝兵二千人東北去安國五百里

東去烏那遏二百餘里西去波斯國四千餘里東去瓜  
州七百里隋大業中遣使貢方物

者至拔

者至拔後魏時通焉都者至拔城在疏勒西去代一萬  
一千六百二十里其國東有潘賀那山出美鐵及師子

迷密

迷密後魏時通焉在者至拔西去代一萬二千一百里  
太武正平元年遣使獻一峯黑馳其國東有郁蒲山出  
金玉亦多鐵

悉萬斤

悉萬斤後魏時通焉都悉萬斤城在迷密西去代一萬  
二千七百二十里其國南有伽色那山出師子每使朝  
貢

忸密

忸密後魏時通焉在悉萬斤西去代二萬二千八百二  
十八里

石國

石國隋時通焉居於藥殺水都拓折城方十餘里本漢

大宛北鄙之地東與北至西突厥界西至波臘國界西  
南康居界南至率都沙那國界王姓石名涅國國城之  
東南立屋置座於中正月六日七月十五日以王父母  
燒餘之骨金甕盛之置于牀上巡繞而行散以花香雜  
果王率臣下設祭焉禮終王與夫人出就別帳臣下以  
次列坐而饗土有粟麥多良馬南去撥汗六百里東南  
去瓜州六十里其俗善戰曾貳於突厥射匱可汗擊滅  
之今特勒旬職攝其國事旬職後以隋大業五年遣使朝  
貢後不復至唐貞觀八年復遣使云杜還經行記云其國城一名揭支

名大宛天寶中鎮西節度使高仙芝禽其王及妻子歸  
京師國中有二水一名真珠河一名質河並西北流上  
地平敞多果實出好犬良馬又云碎葉國從安西北  
千餘里有敦達嶺嶺南是大唐北界嶺北是突厥騎施  
南界西至葱嶺二千餘里其水嶺南流者盡過中國而  
歸東海嶺北流者盡經胡境而入北海又北行數日度  
雪嶺其海在山中春夏常雨雪故曰雪海中有細道道  
旁往往有水孔嵌空萬仞輒墮者莫知所在敦達嶺北  
行千餘里至碎葉川其川東頭有熱海故地寒而不凍  
故曰熱海又有碎葉城天寶七年北庭節度使王正見  
薄伐城壁摧毀邑居零落昔交河公主所居之地建大  
雲寺猶存其川西接石國約長千餘里川中有異姓部  
落有異姓突厥各有兵馬數萬城堡間雜日尋于戈凡  
是農人皆壞甲冑專相鹵掠以為奴婢其川西頭有城  
名曰怛羅斯石國人鎮即天寶十年高仙芝軍敗之地  
從此至西海以東自三月至九月天無雲雨皆以雪水  
種田宜大麥小麥稻禾豌豆  
畢豆飲蒲萄酒麩酒醋乳

大一百七十  
通志西夷傳三

女國

女國隋時通焉在葱嶺之南其國代以女為國王王姓蘇毗字末羯在位二十年女王之夫號為金聚不知政事國內丈夫唯以征伐為事山上為城方五六里人有萬家王居九層之樓侍女數百人五日一聽朝復有小女王共理國政其俗貴婦人輕丈夫而姓不妬忌男女皆以彩色塗面一日之內或數度變改之男子皆被髮婦人辮髮而縈之以皮為鞋課稅無常其王死若無女嗣位國人乃調歛金錢得數百萬還於死王之族買女

而立之其地五男三女女貴男賤婦人為吏職男子為軍士女子貴者則多有侍男男子不得有侍女雖賤庶之女盡為家長有數夫焉生子皆從母姓氣候多寒以射獵為業出鎗石朱砂麝香犀牛駿馬蜀馬尤多鹽常將鹽向天竺與販其利數倍亦數與天竺及党項戰爭其女王死國中貴人剝取皮以金屑和骨肉置於瓶內而埋之經一年又以其皮內於鐵器埋之俗事阿修羅神又有樹神歲初以人祭或用獼猴祭畢入山祝之有鳥如雌雉來集于掌上破其腹視之有粟粟則年豐砂

石則有穴謂之鳥卜開皇六年遣使朝貢後遂絕

### 撥汗

撥汗隋時通焉都葱嶺之西五百餘里古渠搜國也王姓昭武字阿利染都城方四里勝兵數千人王坐金羊座妻戴金花西去蘇對沙那國五百里北去石國五百里東北去突厥可二千餘里東去瓜州五千里大業中遣使貢方物

### 吐火羅

吐火羅隋時通焉一名土壑宜後魏時吐呼羅國也魏

史稱吐呼羅云去代一萬二千里東至范陽國西至悉萬斤國中間相去二千里南有連山不知名北至波斯國中間相去一萬里治薄提城城周匝六十里城南有西流大水名漢樓河土宜五穀有好馬馳騾其王曾遣使朝貢吐火羅之爲吐呼囉音語訛舛或當然也隋史載吐火羅都葱嶺之西五百里在烏澠河南即媯水也與挹怛雜居勝兵十萬人皆習戰俗奉佛多男子少婦人故兄弟通室婦人五夫則首飾戴五角十夫戴十角男子無兄弟者則與他人結爲昆弟方始得妻不然終



身無婦矣生子屬其長兄被服文字與于闐略同城北  
有頗梨山南崖穴中有神馬國人每牧馬於其側時產  
名駒皆汗血馬其北界則漢時大宛之地南去曹國千  
七百里東去瓜州六千七百里大業中遣使來貢唐初  
屬西突厥高宗永徽初遣使獻大鳥高七尺其色玄足  
如駝鼓翅而行日三百里能噉鐵夾俗謂為駝馬龍朔  
元年吐火羅置州縣使王名遠進西域圖記并請于闐  
以西波斯以東十六國分置都督府及州八十縣一  
軍府百二十六仍於吐火羅國立碑以紀聖德高宗

### 劫國

劫國隋時聞焉在葱嶺中西與南俱與賒彌國界接西  
北至挹怛國去長安萬二千里有戶數萬氣候熱有稻  
麥粟豆羊馬出洛沙青黛婚姻同突厥死亡棄於山唐  
武德二年遣使貢寶帶金鎖頗黎水精盃各一頗黎四  
百九十枚大者如棗小者如酸棗

### 陀羅伊羅

陀羅伊羅隋時聞焉在烏茶國北大雪山坡上緣梯登  
山接七百梯方到其國

越底延

越底延國隋時開焉治辛頭河北南至婆羅門國三千  
里西至賒彌國千餘里東北至瓜州五千四百里其王  
婆羅門種類戶數萬有弓矢刀稍皮甲國法不殺人重罪  
流輕者杖國無課稅其俗事佛書同婆羅門王及庶人  
翦髮衣錦袍不開縫貧者衣白疊婦人為髻衣裙衫帔  
長巾俗清潔氣候溫多稻有羊馬多牛出鎗石訶梨勒  
石蜜麋皮細疊

大食

大食唐永徽中遣使貢獻云其國在波斯之西或云初  
有波斯胡人若有神助得刀殺人因招附諸胡有胡人  
十一來據次第摩首受記為王此後衆漸歸附遂滅波  
斯又破拂菻及婆羅門城所當無敵兵衆有四十二萬  
有國以來三十四年矣初王已死次傳第一摩首者今  
王即是第三其王姓大食其國男人鼻大而長瘦黑多  
鬚鬢似婆羅門女人端麗亦有文學與波斯不同出駝  
馬驢騾殺羊等土多砂石不堪耕種無五穀唯食駝象  
等肉破波斯拂菻始有米麵敬事天神又云其王常遣

人乘船將衣糧入海經涉八年未及西岸於海中見一  
 方石石上有樹枝赤葉青樹上總生小兒長六七寸見  
 人不語而皆能笑動其手脚頭著樹枝人摘取入手即  
 乾黑其使得一枝還今在大食王處杜還經行記云一名亞俱羅其大食  
 王號暮門都此處其士女瓌偉長大衣服鮮潔容止閑  
 麗女子出門必擁蔽其面無問貴賤一日五時禮天食  
 肉作齋以殺生為功德繫銀帶佩銀刀斷飲酒禁音樂  
 人相爭不至歐擊又有禮堂容數萬人每七日王出禮  
 拜登高座為眾說法曰人生甚難天道不易茲非劫竊  
 細行謾言安已危人欺貧虐賤有一於此罪莫大焉凡  
 有征戰為敵所戮必得生天殺其敵人獲福無量率土  
 稟化從之如流法唯從寬葬惟從儉郭郭之內鄽開之  
 中天地所生無物不有四方輻湊萬貨豐賤錦繡珠貝  
 滿於市肆駝馬驢騾充於街巷刻密石為廬舍有似中

國寶鬻每至節日將獻貴人琉璃器田鍤石瓶鉢蓋  
 可筭數粳米白麵不異中華其果有蒲桃人千年棗  
 蔓菁根大如斗而圓味甚美餘菜亦與諸國同蒲萄大  
 者如雞子香油貴者有二一名耶塞漫一名沒回奴甲  
 師香草貴者有二一名查塞華彌引一名藜蘆芡綾綉  
 機杼金銀匠畫匠漢匠起作畫者京兆人樊淑劉泚織  
 絡者河東人樂環呂禮又以橐駝駕車其馬俗云西海  
 濱龍與馬交所產也腹肚小脚腕長善者日走千里其  
 駝小而緊背有孤峯良者日馳千里又有駝鳥高四尺  
 以上脚似駝蹄頸項勝得人騎行五六里其郊大如二  
 升又有薺樹實如夏棗堪作油食除瘴其氣候温土地  
 無冰雪人多瘡痂一年之內十中五死今吞滅四五  
 國皆為所役屬多分其兵鎮守其境盡於西海焉又云  
 末祿國在亞梅國西南七百餘里胡姓末者茲土人也  
 其城方十五里用鐵為城門城中有盆池又有兩所佛  
 寺其境東西百四十里南北百八十里村柵連接樹木  
 交映四面合匝總是流沙南有大河流入其境分渠數  
 百溉灌一川其土沃饒其人淨潔牆宇高厚市鄽平正

木既雕刻土亦繪畫又有細軟疊布羔羊皮裘估其上  
者直銀錢數百果有紅桃白棗過曰黃李瓜大者名尋  
支一餘人殮一顆輒足越瓜長四尺以上菜有蔓菁蘿  
蔔長葱顆葱芸薑胡芹葛藍軍達迴香菲薤瓠蘆尤多  
蒲萄又有黃牛野馬水鴨石雞其俗以五月為歲每歲  
以畫缸相獻有打球節鞦韆節其大食東道使鎮於此  
從此至西海以來大食波斯參雜居止其俗禮天不食  
自死肉及宿肉以香油塗髮又云苦國在大食西界周  
迴數千里造屋兼瓦疊石為壁米穀殊賤有大川東流  
入亞俱羅商客糴此糴彼往來相繼人多魁梧衣裳寬  
大有似儒服其苦國有五節度有兵馬一萬以上此接  
可薩突厥可薩北又有突厥足似牛蹄好噉人肉

四夷傳第三

通志二百九十六

